

Odluka o donošenju Zakona o Visokom sudskom i tužilačkom savjetu Republike Srpske

168/02

Koristeći se ovlaštenjima koja su mi data u članu V. Aneksa 10. (Sporazum o sprovođenju civilnog dijela Mirovnog ugovora) Opšteg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja navedenog Sporazuma o sprovođenju civilnog dijela Mirovnog ugovora; i posebno uzimajući u obzir član II.1. (d) prethodno spomenutog Sporazuma prema kojem Visoki predstavnik “pruža pomoć kada to ocijeni neophodnim, u iznalaženju rješenja za sve probleme koji se jave u vezi sa civilnim sprovođenjem”;

Pozivajući se na stav XI.2 Zaključaka sa Konferencije o sprovođenju mira održane u Bonu 9. i 10. decembra 1997. godine, a na kojoj je Savjet za sprovođenje mira pozdravio namjeru Visokog predstavnika da upotrijebi svoj konačni autoritet u zemlji u pogledu tumačenja Sporazuma o sprovođenju civilnog dijela Mirovnog ugovora kako bi pomogao u iznalaženju rješenja za probleme, kako je prethodno rečeno, “donošenjem obavezujućih odluka, kada procijeni da je to neophodno” u vezi s određenim pitanjima, uključujući (u skladu sa tačkom (c) ovog stava) “mjere u svrhu obezbjeđenja sprovođenja Mirovnog sporazuma na cijeloj teritoriji Bosne i Hercegovine i njenih Entiteta”;

Imajući u vidu komunique Upravnog odbora Savjeta za implementaciju mira usvojenog na sastanku održanom u Briselu 28. februara 2002. godine u kojem se priznaje “značaj osnivanja Visokog sudskog savjeta za Bosnu i Hercegovinu”;

Imajući dalje u vidu komunique Upravnog odbora Savjeta za

implementaciju mira usvojenog na sastanku održanom 7. maja 2002. godine u Sarajevu u kojem je navedeno da bi osnivanje jednog Visokog sudskog savjeta "položilo temelje daljoj reformi pravosuđa kao što je reorganizacija sudskog i tužilačkog sistema";

Svjestan potrebe da se nastavi sa tom reorganizacijom i procesom odabira nakon osnivanja Visokog sudskog i tužilačkog savjeta Federacije Bosne i Hercegovine i Visokog sudskog i tužilačkog savjeta Republike Srpske koji će zajedno činiti međuentitetsku strukturu Visokog sudskog i tužilačkog savjeta za Bosnu i Hercegovinu;

Pozivajući se na član III: 5 (b) Ustava Bosne i Hercegovine koji glasi da "u periodu od šest mjeseci od stupanja na snagu ovog Ustava, entiteti će početi pregovore s ciljem da odgovornosti i druga pitanja u nadležnost institucija Bosne i Hercegovine...";

Pozivajući se na član I:2. Ustava Bosne i Hercegovine koji glasi da je "Bosna i Hercegovina demokratska država koja funkcioniše u skladu sa zakonom...";

Uočavajući da je za jačanje demokratskih principa i vladavine zakona najbitnije da državne institucije Bosne i Hercegovine, između ostalog, imaju ovlaštenje, da donose zakone o pravosudnim organima u cijeloj Bosni i Hercegovini;

Razmatrajući Ustav Republike Srpske, izmijenjen i dopunjen mojom Odlukom br. 162/02 od 23.maja 2002. godine, koji između ostalog, utvrđuje da "Visoki sudski i tužilački savjet obezbjedi samostalnost, nezavisnost, nepristrasnost, stručnost i efikasnost sudstva i tužilaštva u Republici Srpskoj" i da će "sastav i dodatne odgovornosti Visokog sudskog i tužilačkog savjeta biti određene zakonom"; te

Na osnovu gore navedenog, ovim donosim sljedeću Uputu i Odluku:

UPUTA

Predsjednik Vlade Republike Srpske i premijer Federacije Bosne i Hercegovine upućuju se ovom Odlukom da sačine nacrt prijedloga za pregovore u roku od trideset (30) dana u skladu sa članom III: 5(b) Ustava Bosne i Hercegovine sa namjerom da se na državne institucije Bosne i Hercegovine prenesu sveukupne nadležnosti u oblasti pravosuđa kako bi se omogućilo da jedan Visoki sudski i tužilački savjet za Bosnu i Hercegovinu, koji se uspostavlja na nivou države, bude u potpunosti nadležan u ovoj oblasti pravosuđa. Ti nacrti prijedloga moraju biti razmijenjeni u roku od trideset (30) dana s obzirom na pregovore koji će započeti najkasnije za trideset (30) dana nakon toga.

ODLUKA

O DONOŠENJU ZAKONA O VISOKOM SUDSKOM I TUŽILAČKOM SAVJETU REPUBLIKE SRPSKE

Zakon koji slijedi stupa na snagu na privremenom osnovu, kako je predviđeno članom 87 ovog Zakona, dok Narodna Skupština Republike Srpske ne usvoji ovaj Zakon u odgovarajućem obliku, bez izmjena i dopuna i postavljanja bilo kakvih uslova.

Ova Odluka stupa na snagu odmah i biće bez odlaganja objavljena u Službenom glasniku Republike Srpske.

Sarajevo, 23. maj 2002.

Wolfgang Petritsch

Visoki predstavnik